



## **TOSHKENT DAVLAT YURIDIK UNIVERSITETI REKTORINING B U Y R U G‘ I**

---

07.01.2023

4-um-son

### **Yunusobod tumanida ijtimoiy muhofazaga muhtoj, ish topishda qiynalayotgan va mehnat bozorida teng shartlarda raqobatlasha olmaydigan shaxslarni ishga joylashtirish uchun ish o‘rinlarini 2023-yil uchun band qilib qo‘yish to‘g‘risida**

O‘zbekiston Respublikasining “Aholini ish bilan ta’minlash to‘g‘risida”gi, “O‘zbekiston Respublikasida nogironlarni ijtimoiy himoya qilish to‘g‘risida”gi qonunlari va O‘zbekiston Respublikasi Vazirlar Mahkamasining 2017-yilning 5-dekabrda 965-son qarori bilan tasdiqlangan Ijtimoiy muhofazaga muhtoj, ish topishda qiynalayotgan va mehnat bozorida teng shartlarda raqobatlasha olmaydigan shaxslarni ishga joylashtirish uchun ish o‘rinlarining eng kam sonini belgilash va zaxiraga qo‘yish tartibini yanada takomillashtirish chora-tadbirlari to‘g‘risidagi nizom, shuningdek Toshkent shahar Yunusobod tumani hokimining 2022-yil 26-noyabrda 504-14-206-Q/22-son qarori ijrosini ta’minlash maqsadida

### **B U Y U R A M A N:**

1. Ijtimoiy muhofazaga muhtoj, ish topishda qiynalayotgan va mehnat bozorida teng shartlarda raqobatlasha olmaydigan shaxslar uchun universitetga ajratilgan maxsus ish o‘rinlarining soni 12 ta deb belgilanganligi inobatga olinsin, jumladan:

umumiy o‘rta va o‘rta maxsus, kasb-hunar ta’limi muassasalarini tamomlagan yoshlar, shuningdek, oliy ta’lim muassasalarining davlat grantlari bo‘yicha ta’lim olgan bitiruvchilari uchun – 10 ta;

o‘n to‘rt yoshgacha bolalari va nogiron bolalari bo‘lgan yolg‘iz ota, yolg‘iz ona va ko‘p bolali ota-onalar uchun – 2 ta.

2. Moliya-iqtisod ishlari bo‘yicha prorektor A.Iminov ushbu toifa shaxslar uchun ish o‘rinlarini sanitariya-gigiena normalari va mehnat sharoitlariga muvofiqligini ta’minlasin.

3. Kadrlar bo'limi (S.Mamanazarov) har oyda hisobot oyidan keyingi oyning 5-kunigacha Yunusobod tumani bandlikka ko'maklashish markaziga belgilangan shakl bo'yicha muhtojlarni ishga joylashtirish to'g'risida axborot taqdim etib borsin.

4. Mazkur buyruq ijrosining nazoratini o'z zimmamda qoldiraman

**Rektor v.v.b.**



**I.RUSTAMBEKOV**

Toshkent shahar

**Kiritildi:**

Bo‘lim boshlig‘i

S.MAMANAZAROV



**Kelishildi:**

Moliya-iqtisod ishlar bo‘yicha  
prorektor

A.IMINOV



yuriskonsult

D.ALIBOYEV

